

SAMARBEIDSAVTALE

OM ELG-, HJORT-, RÅDYR- OG SMÅVILTJAKT

Denne avtala er inngått mellom Nordherad bygdeallmenning, Nordherad grunneigarlag og Nordherad statsallmenning og gjeld samarbeid om utnytting av elg-, hjort-, rådyr- og småviltjakt.

1. Formål

Formålet med avtala er å samarbeide om felles areal og felles jakt-/kortordning for elg-, hjort- og rådyrjakt, samt småviltjakt.

2. Elg- og hjortejakt

Elg- og hjortejakta blir så langt som råd søkt samla sett bort til eitt og same jaktlag, for tre år om gongen, og helst følgje driftsplanperioden for Skaihø viltområde. Dersom forholda tilseier det og ligg til rette for det, t.d. ved at kvoter blir auka og jakttid blir utvida, kan jakta blir sett bort til to eller fleire lag, ved t.d. også å tildele hjortjakt til eitt/fleire jaktlag, i tillegg til elg-/hjortejakt til eit lag. Dette for om mogleg å kunne hauste maksimalt av ressursane samstundes som fleire jegerar generelt kan få tilgang til storviltjakt.

Av omsyn til allmenta sin tilgang til jakt i statsallmenningar, bør jaktlag kvart år ha minimum 30 % deltaking frå ikkje-grunneigarar (grunneigar = grunneigar i Nordherad grunneigarlag og/eller dei med bruksrett i Nordherad bygdeallmenning). Innanbygdsbuande (som ikkje har grunneigar-/bruksrettstatus i Nordherad) bør prioriterast framfor utanbygdsbuande på 30 %-delen. Dersom det er fleire jaktlag blant søkjarane som fyller vilkåret som nemnd ovanfor og elles oppfyller krav til storviltjakt i dei offentlege viltføresegnene, skal jakta bli tildelt ved loddtrekning.

Jakta må bli annonsert i lokalavisa. Prisane er fast kg-pris og grunnpris pr. dyr. Prisane i Langmorkje statsallmenning skal vera retningsgjevande.

3. Rådyrjakt

Av omsyn til allmenta sin tilgang til jakt i statsallmenningar, skal minimum 15 % av totalkvota bli trekt blant innanbygdsbuande i Vågå som ikkje har grunneigarstatus. Med bakgrunn i kvotene dei seinare åra, tilsvare dette to dyr. Prisen på rådyrjakt bør vera lik for alle.

4. Småviltjakta

Småviltjakta blir seld som jaktkort til enkeltjegerar. Både 1-døgnskort, 3-døgnskort, vekeskort og sesongkort skal vera tilgjengeleg. Det blir ikkje opna for jakt med hund, med unntak av jakt med harehund.

Jaktkortet opnar for småviltjakt utan hund frå 15. september til ut februar og småviltjakt med harehund frå 1. oktober til ut februar for innanbygdsbuande (dvs. dei som siste året har vore og framleis er busette i Vågå), og frå 1. oktober til og med 23. desember for utanbygdsbuande. Det kan forutan jakt på rype, skogsfugl og hare, bli jakta på dei småviltartene som det i forskrifter frå Direktoratet for naturforvaltning er gjeve høve til å jakte på i distriktet. For alle

desse artene er tidlegaste jaktstart den 15. september, med unntak av jakt på kråke som kan starte 15. juli. Med bakgrunn i jaktidsrammene kan det bli jakta på raudrev til og med 15. april, røyskatt og mår til og med 15. mars og kråke til og med 31. mars.

Fellefangst er lov berre for innanbygdsbuande, og jakttida skal følgje dei offentlege jaktidsrammene. Det blir ikkje opna for snarefangst etter rype.

Jakt med harehund gjeld innanfor eit avgrensa område (nord og vest for Øvre Nordheradsvegen), som blir innteikna på kart og delt ut ved kjøp av kort. For jakt med hund gjeld jaktkortet ein jeger med ein hund. Dersom ein jeger nyttar to eller fleire hundar samtidig, må det løysast eit kort per hund. Dersom to eller fleire jegerar jaktar med ein og same hund, må baa/alle løyse jaktkort.

Jaktkortpriser (gjeld frå 2010 og inntil vidare):

	Innanbygdsbuande	Utanbygdsbuande
1-døgn	kr. 50,-	kr. 100,-
3-døgn	kr. 125,-	kr. 250,-
veke	kr. 200,-	kr. 400,-
sesong	kr. 300,-	kr. 600,-

Spørsmål om endring av kortprisane skal takast opp dersom ein av partane ønskjer det. Jaktkortprisane i Langmorkje statsallmenning skal vera retningsgjevande.

5. Administrasjon av jakta

Storviltjakta blir administrert av Nordherad grunneigarlag. Dette omfattar annonsering og sal av jakt, inngå skriftleg avtale med jaktlag, kontroll av avlagt skyteprøve og tilgang til godkjent ettersøkshund, eventuelt inngå samarbeidsavtale med nabofelt for utøving av storviltjakt, krevje inn fellingsrapportar, innrapportering til statistiske formål, fordeling av inntekter og utgifter osv.

Småviltjakta blir administrert av Vågå fjellstyre. Dette omfattar innkjøp av jaktkortblokker, utdeling og innhenting av kortblokker, fakturering, fordeling av inntekter og utgifter, innkrevjing av fangststatistikk, ordne statistikkar osv. Jaktkortblokker skal leggjast ut på ein eller fleire sentrale plassar.

6. Utgifter og inntekter

Fordeling av utgifter og inntekter skjer etter arealprinsippet.

For elg-, hjort- og rådyrjakt:

Nordherad grunneigarlag:	ca. 17.800 dekar, dvs. 64 %
Nordherad statsallmenning:	ca. 5.400 dekar, dvs. 19 %
Nordherad bygdeallmenning:	ca. 4.700 dekar, dvs. 17 %

For småviltjakt:

Nordherad grunneigarlag:	ca. 17.800 dekar, dvs. 29 %
Nordherad statsallmenning:	ca. 24.000 dekar, dvs. 39 %
Nordherad bygdeallmenning:	ca. 19.200 dekar, dvs. 32 %

Det blir elles vist til avtale om bruk av Liasetervegen. 10 % av nettoinntektene både frå elg-, hjort- og rådyrjakta og småviltjakta i heile området blir trekt frå som vegbidrag før fordelinga.

7. Oppsyn

I utgangspunktet har kvar enkelt ansvar for oppsyn i sine område. For å fordele oppsynsoppgåvene, tek Nordherad grunneigarlag hovudansvaret for oppsyn med storviltjakta, medan Vågå fjellstyre v/fjelloppsynet tek hovudansvaret for oppsyn med småviltjakta.

8. Oppseiing av avtala

Avtala vart inngått fyrste gong i mai 2001 og skulle gjelde som ei prøveperiode i tre år framover og med ei påfølgjande evaluering. Samarbeid om rådyrjakt vart innlemma i avtala våren 2003. Prøveperioden vart forlenga i tre nye år fram til 1. april 2006. Frå 2006 har avtala likevel vorte vidareført. Den vart evaluert i 2010, og gjeld framover inntil nokon av partane seier den opp eller ønskjer endringar i den. Eventuell oppseiing av avtala eller spørsmål om endringar skal meldast skriftleg og med tre månaders varsel.

9. Tvist

Tvist i samband med denne avtala skal avgjerast av ei valdgiftsnemnd, der partane nemner opp kvar sin representant og sorenskrivaren nemner opp den fjerde som også er leiar.

Vågåmo, den 2010

For Nordherad
grunneierlag

For Nordherad
bygdealmening

For Vågå fjellstyre

